

**Erhvervs- og Selskabsstyrelsimi ukiumoortumik nalunaarusianik il.il. nassiussisarneq tamanullu saqqummiussisarneq pillugu nalunaarut (Nassiussisarnermut nalunaarut)**

Ukiumoortumik naatsorsuusiortarneq pillugu inatsimmi § 148 a, § 155, imm. 2 aamma 3, § 157 aamma § 164, imm. 4, Kunngip peqqussutaatigut Kalaallit Nunaannut atuutilersinneqarnissaa pillugu peqqussut nr. 625, 23. juni 2008-meersoq naapertorlugu, aalajangersarneqarpoq:

Kapitali 1

*Atuuffissaa*

§ 1. Inuussutissarsiutigalugu ingerlatseqatigiiffiit ukiumoortumik nalunaarusianik, naatsorsuusia-tigut allagaatinik allanik saneqqutsitsinnaanermillu nalunaarutinik il.il. nalunaarut atuuppoq kiisalu naalagaaffiup aktieselskabiutaanut malittarisassanik malinnittut Namminersornerullutik Oqartussanit pigineqartut ingerlatseqatigiiffiit ukiup ilaannoortumik nalunaarusiaannik aamma børsimi nalunaarsorneqarsimasunut ingerlatsiviit Erhvervs- og Selskabsstyrelsimut nassiussisussaananerut kiisalu Kunngip peqqussutaatigut Kalaallit Nunaannut atuuttussanngortinneqartoq, ukiumoortumik naatsorsuussiorneq pillugit inatsit naapertorlugu.

*Imm. 2.* Aammattaaq nalunaarut aningaasaateqarfiit inuussutissarsiutitut ingerlatat aningaasaateqarfiit inuit kingornusseqqaartussat allattorsimaffiannik aningaasaateqarfiit inuussutissarsiutitut ingerlatat pillugit inatsit, Kunngip peqqussutaatigut Kalaallit Nunaannut atuuttussanngortinneqartoq, naapertorlugu nassiussisarnissaannut atuuppoq.

Kapitali 2

*Nassiussisarneq*

*Ukiumoortumik nalunaarusiamik nassiussisarneq*

§ 2. Ingerlatseqatigiiffiit ukiumoortumik nalunaarusiaat akuerineqarsimasoq Erhvervs- og Selskabsstyrelsimut nassiunneqartassaaq ukiumoortumik naatsorsuusiortarneq pillugu inatsimmi § 138, imm. 1 imaluunniit § 143, imm. 1, Kunngip peqqussutaatigut Kalaallit Nunaannut atuuttussanngortinneqartoq, naapertorlugu. Piffissarititaasup eqqortinneqarneranut styrelsimi tiguneqarneranut piffissarititaasoq aalajangiisuvoq. Ukiumoortumik nalunaarusiaq tiguneqanngippat, imaluunniit pissusissamisut ilusilerlugu piffissaq eqqorlugu tiguneqanngippat, ukiumoortumik naatsorsuusiart pillugit inatsimmi, §§ 150 – 152 aamma § 162, imm. 1, nr. 1, Kunngip peqqussutaatigut Kalaallit Nunaannut atuuttussanngortinneqartoq, atuutissaaq.

*Imm. 2.* Akiliisinnaajunnaarneq pillugu inatsit malillugu, Kunngip peqqussutaatigut Kalaallit Nunaannut atuutilersinneqartoq, ingerlatsivik akiliisinnaajunnaalersoq kissaateqarpat, ukiumoortumik nalunaarusianik nassiussinissap, akiliisinnaajunnaarnerup kingorna qaammatip ataatsip qaangiunneranut kinguartitsinissaaq, tak. ukiumoortumik naatsorsuutit pillugu inatsimmi § 140, imm. 1, Kunngip peqqussutaatigut Kalaallit Nunaannut atuutilersinneqartoq, tamanna pillugu ingerlatsivik styrelsimut qinnuteqassaaq. Qinnuteqaat Kalaallit Nunaanni Eqqartuussisuuneqarfimmit uppernarsaammik ilanngussartaqassaaq, piffissamik

akiliisinnaajunnaarfimmik paasissutissartalimmik, tamatumunnga ilanngullugu tamatuma sivitsorneqarsinnaaneranut uppernarsaat.

*Imm. 3.* Imm. 2-mi malittarisassaq ingerlatsivinnut taamaatuttaaq atuuppoq, akiliisinnaajunnaarneq pillugu inatsit malillugu akkorterneq pillugu isumaqatigiinniarnernik aallartitsiviusimasunut, Kunngip peqqussutaatigut Kalaallit Nunaannut atuuttussanngortinneqartoq, tak. ukiumoortumik naatsorsuusiortarneq pillugu inatsimmi § 140, imm. 3, Kunngip peqqussutaatigut Kalaallit Nunaannut atuuttussanngortinneqartoq.

**§ 3.** Ingerlatsiviup tamakkiisumik aqqa, nalunaarsuineri normu kiisalu piffissaq naatsorsuussiorfiusiq ukiumoortumik nalunaarsuutip saqqaani takuneqarsinnaassaaq. Allagaatit saqqaani taaneqassaaq ”ukiumoortumik nalunaarusiaq”. Tamakku pillugit aalajangersakkat malillugit ukiumoortumik nalunaarusiaq qarasaasiakkut nassiunneqarsimanngippat, tak. § 4, taanna ajornartorsiutitaqanngitsumik imaaliallaannaq qarasaasiakkut atuarneqarsinnaassaaq (indscannes) aamma atuarneqareernerup kingorna erseqqissumik ingerlanneqarnissamut naleqquttuusaaq.

**§ 4.** Ukiumoortumik nalunaarusiaq Erhvervs- og Selskabsstyrels-imut qarasaasiakkut digitaliusumillu naatsorsuutitut nassiunneqarsinnaavoq, taamaattunik naatsorsuutiniq tigusineri tamanullu saqqummiussineri passussinissamut styrelsi it-ikkut aqqissuusaaqarsimanera apeqqutaatillugu.

*Imm. 2.* Naatsorsuutit digitaliusut XBRL-format-inngorlugit, specifikation 2.1, nassiunneqassapput, styrelsimit aalajangersarneqartumit taksomi-mi aamma præsentationsdokumentimut (style sheet) ilillugu, nittartakkami [www.eogs.dk](http://www.eogs.dk)-mi pissarsiarineqarsinnaasooq. Taamaattorli taarsiullugu ingerlatsiviup præsentationsdokument alla toqqarsinnaavaa, præsentationsdokument toqqarneqartup XBRL-fi-i pdf-fil-format-inngortitsisinnaanera apeqqutaatillugu.

*Imm. 3.* Naatsorsuutit digitaliusut Erhvervs- og Selskabsstyrelsimut, nittartagaq [www.eogs.dk](http://www.eogs.dk) imaluunniit [www.virk.dk](http://www.virk.dk) aqutugalugu, nassiussisup digitaliusumik atsioreranik ilanngussiffigalugit, styrelsip erseqqinnerusumik aalajangersaaneratigut. Naatsorsuutit digitaliusut nittartakkami [www.cvr.dk](http://www.cvr.dk)-mi ingerlatsiviup ukiumoortumik nalunaarusiaattut, tak. kapitali 3, tamanut saqqummiunneqassapput.

**§ 5.** Ukiumoortumik nalunaarusiaq inatsisiliorneq naapertorlugu suliarineqarsimaneranik akuersissutigineqarsimaneranillu uppernarsaaserneqassaaq, tamatumunnga ilanngullugu naalagaaffimmi allami inatsisiliorneq, ingerlatsivik ukiumoortumik nalunaarusiortoq, naalagaaffimmi allami angerlarsimaffeqarpat. Erseqqissumik takuneqarsinnaassaaq, ukiumoortumik nalunaarusiamik suliarinnissimanersoq, akuersissuteqarsimanersoq aamma uppernarsaasimanersoq, pineqartut aqqi atuuffiilu ukiumoortumik nalunaarusiami erseqqissumik taaneqarsimasussaammata. Ukiumoortumik nalunaarusiaq kukkunersiuisumit atsiukkamik uppernarsaaserneqarsimappat, assigisaanik kina uppernarsaassuusimanersoq pillugu erseqqissumik allaqqassaaq.

*Imm. 2.* Ataatsimeersuarnermi aqutsisup imaluunniit assigisaanik akuersissuteqarsinnaasup, ukiumoortumik nalunaarusiamik akuersissuteqartup, atsiormigut ukiumoortumik nalunaarusiaq uppernarsarparaa, taanna ingerlatsiviup aqutsisuinit aamma siulersuisuinit akuerisaasooq, aamma inatsisiliorneq tamannalu pillugu maleruagassani piumasaqaatit naapertorlugit ataatsimeersuarnermi saqqummiunneqarsimasooq akuerineqarsimasorlu il.il.

*Imm. 3.* Ukiumoortumik nalunaarusiaq, Erhvervs- og Selskabsstyrelsimut nassiussassaq, minnerpaamik ataatsimeersuarnermi aqutsisumit atsiorneqarsimassaaq, tak. imm. 2, aamma kukkunersiuisumit, ukiumoortumik nalunaarusiaq kukkunersiuisumit atsiukkamik uppernarsaaserneqarsimappat, taamaattorli tak. imm. 4. Ingerlatsivik ukiumoortumik nalunaarusiap assinganik toqqortaqaassaaq, ukiumoortumik nalunaarusiortarneq pillugu inatsimmi kapitali 2

naapertorlugu ukiumoortumik nalunaarusiornermik akisussaasuusunit, aqutsisunit ilaasortaasunit aammattaq atsiorneqarsimasumik.

*Imm. 4.* § 4 naapertorlugu ukiumoortumik nalunaarusiaq digitaliusumik naatsorsuutitut nassiunneqarsimappat, styrelsimut nassiussisup isumagissavaa, ukiumoortumik nalunaarusiaq imm. 3-mi allassimasutut atsiorneqarsimanissaa.

*Imm. 5.* Ukiumoortumik nalunaarusiap tiguneqarneraniit ukiut 5-t iluanni Erhvervs- og Selskabsstyrelsip piumasaqaatigisinnaavaa ukiumoortumik nalunaarusiap, ukiumoortumik nalunaarusiap elektroniskiusumik nassiussap, tak. § 4, inatsisiliornerit malittarisassallu naapertorlugit suliarineqarneranik, kukkunersiorneqarneranik, akuersissutigineqarneranik nassiunneqarneranillu uppernarsaammik nassiussisooqarnissaa.

**§ 6.** Ukiumoortumik nalunaarusiat aamma sanioqutitsinissamik nalunaarutit, § 7 naapertorlugu ukiumoortumik nalunaarusianut taarsiullugu Erhvervs- og Selskabsstyrelsimut nassiunneqartut, aamma ilaannaasumik ukiumoortumik nalunaarusiat danskit oqaasii atorlugit oqaasertaliorneqarsimassapput.

*Imm. 2.* Taamaattorli danskit oqaasii atorlugit oqaasertaliornissamik piumasaqaat makkununga nalunaarutinut atuutissanngilaq:

1) Nunani allamiut pingaarnertut ingerlatsivimmi immikkoortorta qarfiup naatsorsuusiai, ukiumoortumiok naatsorsuusiortarneq pillugu inatsimmi § 112, Kunngip peqqussutaatigut Kalaallit Nunaannut atuuttussanngortinneqartoq, naapertorlugu Erhvervs- og Selskabsstyrelsimut nassiunneqartut.

2) Nunani allamiut ingerlatsiviisa ukiumoortumik nalunaarusiaat, ukiumoortumik naatsorsuusiortarneq pillugu inatsimmi § 143, Kunngip peqqussutaatigut Kalaallit Nunaannut atuuttussanngortinneqartoq, naapertorlugu styrelsimut nassiunneqartut.

3) Nunani allamiut ukiumoortumik nalunaarusiaat il.il. matumani nalunaarummi § 7 naapertorlugu sanioqutitsinissamik nalunaarut ilanngullugu styrelsimut nassiunneqartut.

*Imm. 3.* Erhvervs- og Selskabsstyrelsip piumasarisinnaavaa, imm. 2-mi taaneqartut uppernarsaatit uppernarsarlugu nutsikkatut nassiunneqassasut.

### *Sanioqutitsinissamik nalunaarummik il.il. nassiussineq*

**§ 7.** Ingerlatsiviit, ukiumoortumik naatsorsuusiorneq pillugu inatsimmi §§ 4-6-mi aamma 144-mi sanioqutitsinermik atuisut, Kunngip peqqussutaatigut Kalaallit Nunaannut atuuttussanngortinneqartumi, sanioqutitsinermi nalunaarummik ukiumut naatsorsuusiortarfiusunut tamanut Erhvervs- og Selskabsstyrelsimut nassiussisapput, ukiumoortumik naatsorsuusiorneq pillugu inatsimmi §§ 145 aamma 146 naapertorlugit, Kunngip peqqussutaatigut Kalaallit Nunaannut atuuttussanngortinneqartoq. Sanioqutitsinermi nalunaarut ukiumoortumik naatsorsuusiorneq pillugu inatsimmi § 146, Kunngip peqqussutaatigut Kalaallit Nunaannut atuuttussanngortinneqartumi, takuneqarsinnaasunik uppernarsaatinik ilaqartinneqassaaq.

*Imm. 2.* Sanioqutitsinissamik nalunaarut ilanngussartalik nassiunneqassaaq, styrelsimi tiguneqareersimasussaalluni, ukiumoortumik naatsorsuusiorneq pillugu inatsimmi § 138, imm. 1-imi imaluunniit § 143, imm. 1-imi, Kunngip peqqussutaatigut Kalaallit Nunaannut atuuttussanngortinneqartoq, piffissarititaasup qaangiutinnginnerani. Styrelsimit tiguneqarneranut piffissaq piffissarititaasup unioqutissimannginneranut aalajangiisuussaaq.

*Imm. 3.* Sanioqutitsinissamik nalunaarut ilanngussartalik, tak imm. 1, piffissarititaasup iluani styrelsimit tiguneqanngippat, ukiumoortumik naatsorsuusiorneq pillugu inatsimmi § 138, imm. 1-imi imaluunniit § 143, imm. 1-imi, Kunngip peqqussutaatigut Kalaallit Nunaannut atuuttussanngortinneqartoq, ukiumoortumik naatsorsuusiorneq pillugu inatsimmi §§ 150-152

aamma § 162, imm. 1, nr. 1 taamatutaaq atuutinneqassaaq, Kunngip peqqussutaatigut Kalaallit Nunaannut atuuttussanngortinneqartoq.

*Imm. 4.* Styrelsip tigusinermit ukiut tallimat iluanni piumasarisinnaavaa, sanioqquitsinissamik nalunaarutip atorneqarnissaanut piumasaqaatit naammassineqarsimanerinit, kiisalu inatsisiliorneq naapertorlugu sanioqquitsinissamik nalunaarutip ilanngussartaqarsinnaasup suliarineqarsimanera, akuersissutigineqarsimanera styrelsimullu nassiunneqarsimanera pillugit uppersaammik nassiussisoqarnissaanik.

*Inuussutissarsiutigalugu aningaasaateqarfittut ingerlatanit  
aningaasanik tunissuteqarfigisanut allattuiffimmik nassiussisarneq*

**§ 8.** Inuussutissarsiutigalugu aningaasaateqarfittut ingerlatamut oqartussaasut, inuussutissarsiutigalugu aningaasaateqarfittut ingerlatat pillugit inatsimmi § 7, imm. 1, nr. 10 aamma § 57, imm. 3 naapertorlugit, Kunngip peqqussutaatigut Kalaallit Nunaannut atuuttussanngortinneqartoq, aningaasaateqarfiup agguaassisarissamut siunertarisaa malillugu aningaasaateqarfiup siulersuisuisa aalajangiinerisigut aningaasatigut sinneqartoorutaannit aningaasanik tunissuteqarfigisat pillugit allattuiffimmik („kingornusseqqaartussanut allattuiffik“) nassiussisoqarnissaanik piumasaqarsinnaapput.

*Imm. 2.* Kingornusseqqaartussanut allattuiffik aningaasaateqarfiup ukiumoortumik nalunaarusiaanut ilanngunneqarsinnaavoq, taamaalineqarpallu tamanit atuarneqarsinnaassaaq, imaluunniit allagaatit immikkut ittutut nassiunneqarsinnaavoq, taamaalissappallu tamanit atuarneqarsinnaassanani, tak. § 14, imm. 2.

*Naalagaaffiup aktieselskabiutaanut malittarisassanik malinnittunut  
Namminersornerullutik Oqartussanit pigineqartunit ingerlatsiviit ukiup affakkaartumik  
nalunaarusianik nassiussisarnerat*

**§ 9.** Ingerlatseqatigiiffiit Namminersornerullutik Oqartussanit pigineqartut, naalagaaffiup aktieselskabiutaanut malittarisassanik malinnittut, ukiup affakkaartumik Erhvervs- og Selskabsstyrelsimut nassiussapput, ukiup affakkaartumik nalunaarusiap suliarineqareernerata kingorna tunngavissaqanngitsumik uninnganertaqanngitsumik. Ukiup affakkaartumik nalunaarusiaq styrelsimi tiguneqareersimassaaq kingusinnerpaamik ukiup affaanut piffissap pineqartup kingorna qaammatit marluk sapaatillu akunnerit pingasut qaangiutsinnagit. Ukiup affakkaartumik nalunaarusiaq danskisut oqaasertaqassaaq.

*Imm. 2.* Ukiup affakkaartumik nalunaarusiaq tiguneqanngippat, imaluunniit pissusissamisoortillugu piffissarititaasoq eqqorlugu tiguneqanngippat, tak. imm. 1, Erhvervs- og Selskabsstyrelsip ingerlatsiviup siulersuisuini ilaasortat aqutsisuilu ullormoortunik imaluunniit sapaatip akunnikkaartunik akiliisissinnaavai.

*Imm. 3.* Ingerlatseqatigiiffiup tamakkiisumik aqqa, nalunaarsuinermit normua kiisalu piffissaq pineqartoq allagaatit saqqaani takuneqarsinnaassaaq. Allagaatit saqqaani taaneqassapput „ukiup affakkaartumik nalunaarusiaq“. Ukiup affakkaartumik nalunaarusiaq ajornaquteqanngitsumik qarasaasiakkut atuarneqarsinnaassaaq (indscannes) aamma atuarneqareernerata kingorna erseqqissumik ingerlanneqarnissamut naleqquttuussaaq.

*Imm. 4.* Piginneqatigiiffik allanit aqutaq ukiup affakkaartumik nalunaarusiunngitsoorpat, piginneqatigiiffiup paasissutissaatai pingaarnertut ingerlatseqatigiiffiup ukiup affakkaartumik nalunaarusiaanni ilaatinneqarnerat pissutigalugu, tak. ukiumoortumik naatsorsuusiortarneq pillugu inatsimmi § 131, imm. 1, oqaaseqatigiit pingajuat, Kunngip peqqussutaatigut Kalaallit Nunaannut atuuttussanngortinneqartoq, tamanna pillugu piginneqatigiiffiup allanit aqutap Erhvervs- og

Selskabsstyrelsi nalunaarfigissavaa, piginneqatigiiffiup allanit aqutap pingaarnertullu ingerlatseqatigiiffiup tamakkiisumik aqqi aamma nalunaarsuinermi normua kiisalu piffissaq pineqartoq taallugit.

*Imm. 5.* Ingerlatseqatigiiffik naluanarusiap ukiup affakkaartup assilineqarneranik toqqortaqaassaaq, aqutsisunit tamanit ilaasortaasunit atsiorneqarsimasoq, ukiumoortumik naatsorsuusiortarneq pillugu inatsimmi kapitali 2 naapertorlugu, Kunngip peqqussutaatigut Kalaallit Nunaannut atuuttussanngortinneqartoq, ingerlatseqatigiiffiup naatsorsuusiortarneqanik akisussaasuusunit. Pineqartut aqqi atuuffiilu ukiup affakkaartumik nalunaarusiami erseqqissumik takuneqarsinnaassapput. Ukiup affakkaartumik nalunaarusiaq, Erhvervs- og Selskabsstyrelsimut nassiunneqartoq, inunnit atsiorneqarsimangippat, nassiussisup styrelsimut akisussaaffigissavaa, ukiup affakkoortumik nalunaarusiap pissusissamisoortumik atsiorsimanissaa, tak. oqaaseqatigiit siulliit.

*Imm. 6.* Erhvervs- og Selskabsstyrelsip ukiup affakkaartumik nalunaarusiap tigoreernerata kingorna ukiut tallimat tikillugit piumasarisinnaavaa, inatsisiliorneq maleruagassallu naapertorlugit ukiup affakkaartumik nalunaarusiap suliarineqarsimaneranik styrelsimullu nassiunneqarsimaneranik uppernarsaammik nassiussisoqarnissaanik.

*Naatsorsueriaatsimi qaffasissutsimi D-mi ilaatinneqartunut børsimi nalunaarsugaasunut ingerlatsivinnut ukiup ilaanut nalunaarusianik nassiussisarneq*

**§ 10.** Naatsorsueriaatsimi qaffasissutsimi D-imi ilaatinneqartut børsimi nalunaarsugaasut ingerlatsiviit, ukiup ilaanut nalunaarusiortartut, tak. ukiumoortumik nalunaarusiortarneq pillugu inatsimmi ilaatinneqartumi børsimi nalunaarsugaasunut ukiup ilaanut nalunaarusiortarneq pillugu Kalaallit Nunaannut nalunaarummi § 1 (ukiup ilaanut nalunaarusiortarneq pillugu nalunaarut), ukiup ilaanut nalunaarummi Erhvervs- og Selskabsstyrelsimut nassiussisassapput. Oqaaseqatigiit siulliit malillugit ukiup ilaanut nalunaarusiortussaaneq aammattaaq atuuppoq namminerisamik ukiup ilaanut nalunaarusiorneq, ukiup ilaanut nalunaarsiorneq ingerlatsiviup nammineq atugassaattut naatsorsuutigineqanngippat, tak. nalunaarummi taaneqartumi § 1, imm. 3.

*Imm. 2.* § 9, imm. 1-3-mi aamma 5-6-imi malittarisassat taamatuttaaq atuupput naatsorsueriaatsimi qaffasissutsimi D-mi ilaatinneqartunut børsimi nalunaarsugaasunut ingerlatsivinnut ukiup ilaanut nalunaarusianik nassiussanut, tak. § 1.

*Imm. 3.* Naalagaaffimmit akuerisaasup kukkunersiuisup imm. 1-imi ilaatinneqartoq ukiup ilaanut nalunaarusiaq kukkunersiorsimappagu, imaluunniit nalunaarusiaq misissorsimappagu (review), ukiup ilaanut nalunaarusiaq nassiunneqartoq kukkunersiuisumit atsiorneqartumik nalunaarummi ilaqartinneqassaaq.

### Kapitali 3

*Tiguisarneq aamma tamanut saqqummiussisarneq il.il.*

**§ 11.** Erhvervs- og Selskabsstyrelsip ukiumoortumik nalunaarutit, sanioqqutitsinissamik nalunaarutit aamma ukiup ilaanut nalunaarutit tiguneqartut, tamatumunnga ilanngullugit ukiup affakkaartumik nalunaarutit il.il. nittartakkakkut [www.cvr.dk](http://www.cvr.dk)-ikkut piaartumik tamanut saqqummiutissavai, ukiumoortumik naatsorsuusiortarneq pillugu inatsit matumanilu nalunaarut naapertorlugu styrelsimut nassiunneqartut.

**§ 12.** Ukiumoortumik nalunaarut, sanioqqutitsinissamik nalunaarut imaluunniit ukiup ilaanut nalunaarut, tamatumunnga ilanngullugit ukiup affakkaartumik nalunaarut il.il., Erhvervs- og

Selskabsstyrelsimi tiguneqarpata, styrelsip automatiskimik nassiussisoq imaluunniit ingerlatsivik qarasaasiakkut uppersaammik nassiussiffigissavaa.

*Imm. 2.* Styrelsip paasippagu, nassiunneqartuni ukiumoortumik nalunaarummi, ukiup ilaanut nalunaarummi imaluunniit sanioqputitsinissamik nalunaarummi tunngaviusumik piumasaqaatit naammassineqanngitsut, ingerlatseqatigiiffik nunanilu allani ingerlatseqatigiiffiup immikkoortortaqarfia naqqiuteqarnissamut piffissaqartinneqassaaq. Oqaaseqatigiit siulliit malillugit naqqiuteqarnissamut nalunaarutip ukiumoortumik naatsorsuusiortarneq pillugu inatsimmi, Kunngip peqqussutaatigut Kalaallit Nunaannut atuuttussanngortinneqartoq, aamma matumani nalunaarummi nassiussinissamut piffissarititaasut kipisissanngilai, nasiussinissamut pisussaaffik naammassineqartutut aatsaat isigineqassamat, ukiumoortumik nalunaarut, sanioqputitsinissamik nalunaarut imaluunniit ukiup ilaanut nalunaarut styrelsimi pissusissamisoorutut isikkoqartillugu tiguneqarpat.

**§ 13.** § 11 malillugu ukiumoortumik nalunaarut tamanut saqqummiunneqarpat, nutaamik ukiumoortumik nalunaarusiornikkut allanngortinneqarsinnaanngilaq. Ukiumoortumik nalunaarummik nutaamik tamanut saqqummiussineq naatsorsuutininik atuisunit soqutigineqartutut annertuunik imaluunniit saqqumisunik kukkunernik pisariaqartutut naqqiuteqarnertut imaluunniit pissutsinik unioqputitsinernik naqqiuteqarnertut nalilernerqarpat, taamaattoq Erhvervs- og Selskabsstyrelsip akuerisinnaavaa, ukiumoortumik nalunaarutip allanngortinneqarnissaa. Ukiumoortumik nalunaarut allanngortinneqartoq, ukiup naatsorsuusiortifiusup tulliuuttup qaangiunnerani tiguneqartoq, styrelsimi tamanut saqqummiunneqarsinnaanngilaq, allanngiunneq Erhvervs- og Selskabsstyrelsip piumasaqaataata malitsigisaanik ingerlanneqarpat, tak. ukiumoortumik naatsorsuusiortarneq pillugu inatsimmi § 161, nr. tak. § 159, Kunngip peqqussutaatigut Kalaallit Nunaannut atuuttussanngortinneqartoq.

*Imm. 2.* Ukiumoortumik nalunaarut allanngortinneqarsimasoq tamanut saqqummiunneqarpat, ukiumoortumik nalunaarut aallaqqaataanit nalunaarusiasoq tamanut saqqummiunneqarsimasoq allanngortinneqarsimasoq peqatigalugu tamanit takuneqarsinnaassaaq.

*Imm. 3.* § 1 aamma 2-mi malittarisassat taamatuttaaq atuutissapput ukiup ilaanut nalunaarusianut, tamatumunnga ilanngullugu ukiup affakkaartumik nalunaarusianut il.il.

**§ 14.** § 11 naapertorlugu allagaatit, Erhvervs- og Selskabsstyrelsip tamanut saqqummiussai, tamanit takuneqarsinnaapput. Allagaatit tiguneqaannarsimasut kisiannili matumani nalunaarut naapertorlugu tamanut saqqummiunneqanngitsut, tamanut saqqummiussisussaataaneq pillugu inatsimmi, Kunngip peqqussutaatigut Kalaallit Nunaannut atuuttussanngortinneqartoq, killissarititaasut iluanni tamanit takuneqarsinnaapput.

*Imm. 2.* Inuussutissarsiutigalugu aningaasaateqarfittut ingerlatat kingornusseqqaartussanut allat-tuiffii, § 8 naapertorlugu allagaatit immikkut ittutut aningaasaateqarfiit oqartussaasuinut nassiunneqartut, tamanit atuarneqarsinnaassanngillat.

**§ 15.** Matumani nalunaarut naapertorlugu Erhvervs- og Selskabsstyrelsimi tamanut saqqummiunneqartut allagaatinut inuit tamat isersinnatitaanerit pillugu, Erhvervs- og Selskabsstyrelsimi nalunaaruteqarneq, nalunaarsuineq, akitsuutit kiisalu tamanut saqqummiussineq il.il. pillugit (Nalunaaruteqarnermi nalunaarut) matumani nalunaarummi malittarisassat taamatuttaaq atuutissapput, tamatumunnga ilanngullugit assilineqarnerinut akitsuutinik akiliuteqarneq il.il. pillugit malittarisassat.

## Kapitali 4

*Maalaaruteqarsinnaaneq. Pineqaatissiissutit. Atuutilerfissaa il.il.*

### *Maalaaruteqarsinnaaneq*

**§ 16.** Matumani nalunaarut malillugu Erhvervs- og Selskabsstyrelsen aalajangi aalajangi Erhvervsankenævnet saqqummiunneqarsinnaapput kingusinnerpaamik aalajangi pineqartumut nalunaarutigineqareernerata kingorna sapaatip akunneri arfineq-marluk qaangiutsinnagit, taamaattorli tak. imm. 2 aamma 3.

*Imm. 2.* Piffissarititaasunik sivitsuinissamik qinnuteqaammut itigartitaanerit allaffissornikkut oqartussaasumut qulliunerusumut saqqummiunneqarsinnaanngillat, tak. ukiumoortumik naatsorsuusiortarneq pillugu inatsimmi § 163, imm. 2, Kunngip peqqussutaatigut Kalaallit Nunaannut atuuttussanngortinneqartoq.

*Imm. 3.* Aalajangiinerit aningaasaateqarfiit oqartussaassuatut Erhvervs- og Selskabsstyrelsimi aalajangiunneqartut, allaffissornikkut oqartussaasunut qulliunerusunut saqqummiunneqarsinnaanngilaat, tak. inuussutissarsiutigalugu aningaasaateqarfittut ingerlatat pillugit inatsimmi § 62, imm. 2, tak. § 57, imm. 1, oqaaseqatigiit siulliit, Kunngip peqqussutaatigut Kalaallit Nunaannut atuuttussanngortinneqartoq.

### *Pineqaatissiissutit*

**§ 17.** Kalaallit Nunaanni pinerluttulerinermut inatsit malillugu sakkortunerusumik pineqaatissinneqarneq pisuussutigineqanngippat, ukiumoortumik nalunaarusiamik elektroniskiusumik nassiussisinnaanermik atorneqarluinerit akiliisitaanermik pineqaatissiissutigineqassapput, tak. § 4.

**§ 18.** Nalunaarut atuutilissaaq ulloq 1. august 2008-mi.

*Erhvervs- og Selskabsstyrelsen, ulloq 10. juli 2008*

OLE BORNEDAL

/Grethe Krogh Jensen